



«Ազգային ժողով- ՔՀԿ համագործակցության հարթակի

տարեկերջյան ամփոփիչ հանդիպում

Հարթակի օրակարգ - 2020

2019 թ. դեկտեմբերի 19-20-ը կայացավ ԱԺ-ՔՀԿ համագործակցության բաց հարթակի տարեկերջյան ամփոփիչ հանդիպումը:

Հանդիպման նպատակները.

-ամփոփել Ազգային ժողով- ՔՀԿ համագործակցության հարթակի հանդիպումների արդյունքները և ուղենշել մեխանիզմներ հարթակն առավել գործուն և արդյունավետ դարձնելու համար,

- ձևավորել Ազգային ժողով- ՔՀԿ համագործակցության հարթակի գործողությունների պլանը 2020 թվականի համար՝ ուղղված երկրում զենդերային քաղաքականության բարելավմանը:

Հանդիպմանը մասնակցեցին և Հարթակի օրակարգի ձևավորման աշխատանքներում իրենց ներդրումն ունեցան Ազգային ժողովի, Կարառավարության և քաղ. հասարակության ավելի քան 50 ներկայացուցիչներ:

Հանդիպումը կազմակերպվել էր «Նոր Հայաստան՝ Ժամանակակից խորհրդարան» ծրագրի շրջանակներում, որը իրականացվում է ՄԱԿ-ի Զարգացման ծրագրի, ՀՀ Ազգային ժողովի, ՕքսեՋեն հիմնադրամի, Մարդկային զարգացման միջազգային կենտրոնի հետ համատեղ, Մեծ Բրիտանիայի «Լավ կառավարման հիմնադրամի» և Շվեդիայի կառավարության օժանդակությամբ:

- 1. Հարթակի գործունեության տարեկան ամփոփիչ զեկույցը՝** հիմնված հարթակի մասնակիցների շրջանում իրականացված գնահատման վրա, ներկայացրեց ՕքսեՋեն հիմնադրամի փորձագետ Թամարա Հովնաթանյանը:

[Հետևյալ հղումով](#) կարող եք տեսնել գնահատման զեկույցը:

- 2. Առաջարկների մշակում.**

Հանդիպման ընթացքում տեղի ունեցած քննարկումների արդյունքում ներկայացվեցին հարթակի գործունեության արդյունավետությունը բարձրացնող մի շարք առաջարկներ, որոնք կարելի է խմբավորել հետևյալ ուղղություններով .

➤ **Հարթակի մասնակիցների կազմի ընդլայնում.**

- Ընդլայնել կապերը կանանց իրավունքների պաշտպանությամբ զբաղվող կազմակերպությունների հետ, համագործակցակցություն հաստատել Օմբուդսմենի գրասենյակի, Կանանց հարցերով խորհրդի և համապատասխան այլ գերատեսչությունների հետ,
- Ավելի շատ կին պատգամավորներ ներգրավվել, այդ թվում նրանց, ովքեր չեն կիսում հարթակում հնչեցվող դիրքորոշումները,
- Ընդլայնել պատգամավորների մասնակցությունը, այդ թվում տղամարդկանց ,
- Ապահովել հարթակի երկկողմանի կապը մարզերի հետ, կազմակերպել այցելություններ մարզեր կամ պահպանել ներառական մոտեցումը՝ ներգրավելով ՏԻՄ կին ներկայացուցիչներին հարթակի աշխատանքներին, հատկապես ՏԻՄ օրենքներում փոփոխությունների շուրջ քննարկումներին:

➤ **Բովանդակության ընդլայնում.**

- Ստեղծել աշխատանքային խմբեր առավել մասնագիտական քննարկումներ պահանջող հարցերի շուրջ և անհրաժեշտության դեպքում խորհրդարանական լսումներ հրավիրել:
- Կազմակերպել արտագնա այցեր մարզեր, նաև ներառելով տվյալ մարզերի համար կարևոր հարցեր, նաև հարթակի օրակարգում առկա խնդիրները թիրախային խմբերի հետ քննարկելու համար:
- Նախապատրաստական աշխատանքներ կազմակերպել առավել զգայուն հարցերի շուրջ, այդ թվում Ստամբուլյան կոնվենցիայի վավերացման համար:
- Ավելի շատ առաջարկներ գեներացնել, աշխատանք տանել ավելի մեծ թվով առաջարկությունները օրենսդրական նախաձեռնությունների դարձնելու համար:
- Արձագանքել e-draft-ում կանանց հիմնախնդիրներին առնչվող օրենսդրական նախաձեռնություններին:
- Գյուղաբնակ կանանց սոցիալական պաշտպանվածության վերաբերյալ օրենսդրական կարգավորումների առաջարկությունների մշակում,
- Աշխատանքային օրենսգրքի բարելավման ուղղությամբ գործունեության շարունակություն՝ հիմք ընդունելով ՕքսեՋենի կողմից կառավարությանը ներկայացված կանանց աշխատանքային իրաւոնքների պաշտպանության ճանապարհային քարտեզը:
- ԶԼՄ-ներում գենդերային բռնության և քարոզչության դեմ ինքնակարգավորման մեխանիզմների ստեղծման շուրջ աշխատանքների նախաձեռնում:
- Գենդերային բյուջետավորման ներդրման ուղղությամբ նախապատրաստական աշխատանքների կազմակերպում:
- Գործողությունների պլանի մշակում՝ կանանց դերը ՏԻՄ-երում բարձրացնելու նպատակով օրենսդրական նախաձեռնություններ և արշավներ մշակելու միջոցով:

➤ **Թեմաների ընտրություն.**

- Թեմաների ընտրության համար հիմք ընդունել ՀՀ կառավարության կողմից ընդունված Գենդերային քաղաքականության իրականացման 2019-2023 թվականների ռազմավարության գերակայությունները, որոնք համահունչ են հարթակի փոխըմբռնման հուշագրի հիմքում դրված «Կանանց օրակարգ՝ հանուն զարգացման» փաստաթղթի մոտեցումներին:
- Քննարկվող թեմաները նախապես դնել քվեարկության՝ դրանց քննարկելու առաջնահերթությունը և հրատապությունը որոշելու նպատակով:

➤ **Այլ ֆորմատների և գործունեության այլ ձևերի ներդրում.**

- Ավելի հաճախակի դարձնել հարթակի հանդիպումները,
- Հարթակը կարող է հրատապ հարցերով հայտարարություններով հանդես գալ,
- Հարթակի կողմից ներկայացվող առաջարկները միասնական փաստաթղթի տեսքով ներկայացնել
- Ստեղծել նաև առցանց հարթակ, որպեսզի օրակարգն ավելի ճկուն լինի և ընթացիկ խնդիրները հնարավոր լինի նախնական քննարկել և առաջարկներ ներկայացնել հենց այդ հարթակում:
- Մասնակցել և ներդրում ունենալ Պեկին +25 գործընթացին և դրան նվիրված ՄԱԿ-ի Կանանց կարգավիճակի հանձնաժողովի 64-րդ նստաշրջանի աշխատանքներին՝ հաշվի առնելով այն փաստը, որ Հայաստանը այդ ժամանակահատվածում հանձնաժողովի նախագահող երկիր է հանդիսանում:
- Մաս կազմել և/կամ արձագանքել կանանց և տղամարդկանց հավասար իրավունքներին և հնարավորություններին միտված մի շարք իրադարձություններին, այդ թվում.
 - Պեկինի գործողությունների ծրագրի 25-ամյակի գործընթացին,
 - Կայուն զարգացման նպատակների 5-ամյակին,
 - ՄԱԿ-ի անվտանգության խորհրդի 1325 բանաձևի 20 -ամյակին,
 - Կանանց նկատմամբ խտրականության բոլոր ձևերի վերացման մասին ՄԱԿ-ի կոնվենցիայի կատարման վերաբերյալ Հայաստանի Հանրապետության հերթական պարբերական զեկույցի ներկայացմանը:
- Միանալ ԵԽՄԿ-ի կողմից առաջարկված «ՈՉ իմ խորհրդարանում» նախաձեռնությանը, դրանով իսկ հանդես գալով ատելության խոսքը և սեքիզմը բացառող մեսիջներով և քաղ. հասարակությունը նույնպես միանա այս նախաձեռնությանը:
- Անդրադառնալ կին իրավապաշտպանների դեմ ուղղված հարձակումներին, դիտարկել հարթակի անունից համատեղ հայտարարության տարածման հնարավորությունը :
- Կանանց հարցերով խորհրդում ներկայացված ՔՀԿ ներկայացուցիչները և ԱԺ պատգամավորների միջոցով հարթակում քննարկվող հարցերը ներկայացնել ու բարձրաձայնել նաև այդ խորհրդի նիստերում:

➤ **Հրապարակայնության ապահովում.**

- Հանրայնացնել հարթակի աշխատանքի դրական արդյունքները, և թեպետ հարթակի փակ լինելը առավելություն է, բայց որոշ հարցերում արժե հրապարակայնություն ապահովել,
- Որոշ դեպքերում կարելի է քննարկումները ուղիղ եթերով հեռարձակել՝ մասնակից դարձնելով լայն հանրությանը, որպեսզի նաև հասկանալի լինի, որ Ազգային

ժողովում ներկայացված կանայք խնդիրներ են լուծում և նրանց հետ պետք է հաշվի նստել (խմբ. – սույն առաջարկը մերժվեց քննարկման ընթացքում):

- Հարթակի գործունեության հանրայնացումն իրականացնել տարեկան զեկույցի տարածման և մամուլի պարբերաբար ասուլիսների կազմակերպման միջոցով:

➤ **Կարողությունների զարգացում.**

- Միջազգային փաստաթղթերի և կոնվենցիաների շուրջ հանրային իրազեկվածության բարձրացում, այդ թվում ոչ միայն հարթակի մասնակիցների շրջանում, այլ ուսանողության և երիտասարդության շրջանում:
- Հանրայնացնել Ստամբուլյան կոնվենցիայի դրույթների և մեխանիզմների կարևորությունը և ջանքերը կենտրոնանցնել դրանց՝ ազգային օրենսդրության մեջ ներդնելու ուղղությամբ՝ դրանով իսկ հասնելով կոնվենցիայի բուն նպատակին և խուսափելով Կոնվենցիայի շուրջ առկա քաղաքական ակնհայտ առճակատումից:
- Կազմակերպել պատգամավորների համար միջազգային փորձի և քննարկվող թեմաներին առնչվող միջազգային փաստաթղթերի ներկայացում,
- ԱԺ պատգամավորների կարողությունների զարգացում և փորձագիտական խմբեր ստեղծում՝ օրինագծերի և էլոյթների գենդերային զգայունությունը ապահովելու, օրենդրական բացերը բացահայտելու և համապատասխան փաստագրական նյութերով ապահովելու նպատակով:

3. Գործողությունների պլանի ձևավորում.

Վերընշված առաջարկների հիման վրա և համատեղ քննարկումների արդյունքում ձևավորվեց հարթակի հետագա գործունեության գործողությունների պլանը, որը ներառում է .

- I. Հարթակի գործունեության արդյունավետությունը բարձրացնելու գործողություններ
- II. Հարթակի քննարկումների բովանդակության ընդլայնման շուրջ գործողություններ
- III. Հարթակի մասնակիցների կարողությունների զարգացմանն ուղղված գործողություններ:

Ստորև ներկայացված է գործողությունների պլանի նախնական տարբերակը, որը ենթակա է հաստատման հարթակի մասնակիցների կողմից:

«Ազգային ժողով- ՔՀԿ համագործակցության հարթակի

2020 թ.-ի գործողությունների պլան - 2020 թ.

(Նախնական տարբերակ)

#	Գործողություն	Ծանոթություն
I. Հարթակի գործունեության արդյունավետությունը բարձրացնելու գործողություններ		
1	Հարթակի գործողությունների պլանի հաստատում/ տարեկան կտրվածքով/	Գործողությունների պլանի նախնական տարբերակը կազմված է հարթակի ամփոփիչ հանդիպման ընթացքում հնչեցված առաջարկությունների հիման վրա և ենթակա է վերջնական համաձայնեցման և հաստատման հարթակի մասնակիցների կողմից
2	<p>Օրենսդրական նախաձեռնությունների թվի ընդլայնում, ներառյալ</p> <p>2.1. E-draft կայքում կանանց հիմնախնդիրներին առնչվող օրենսդրական նախաձեռնություններին պարտադիր արձագանքում,</p> <p>2.2. Կանանց հիմնախնդիրներին առնչվող օրենսդրական նախաձեռնությունների հեղինակ-պատգամավորներին առաջարկների ներկայացում,</p> <p>2.3. Տարբեր օրենքների գենդերային ուղորդման վերաբերյալ առաջարկների փաթեթների կազմում և ներկայացում առանցքային դերակատարներին,</p> <p>2.4. Օրենսդրական նախաձեռնությունների առաջարկների ներկայացում և քննարկում հարթակի թեմատիկ հանդիպումների ժամանակ</p> <p>2.5. Օրենսդրական նախաձեռնությունների շուրջ աշխատանքային խմբերի ձևավորում / ըստ անհրաժեշտության/</p>	

<p>3.</p>	<p>Հարթակի գործունեության հանրայնացում, հարթակում քննարկվող խնդիրների տեսանկյունից ապահովում, այդ թվում .</p> <p>3.1. Տարեկան զեկույցի ներկայացում և տարածում</p> <p>3.2. Մամուլի պարբերաբար ասուլիսների հրավիրում, որոշ թեմատիկ քննարկումների ներկայացում,</p> <p>3.3. Տեսանյութերի պատրաստում և տարածում հարթակում քննարկվող խնդիրների կամ որոշ օրենսդրական նախաձեռնությունների պարզաբանման նպատակով,</p> <p>3.4. Տեսանյութերի պատրաստում հարթակում քննարկվող թեմաների շուրջ իրական մարդկանց հաջողված փորձի և պատմությունների կամ տեսակետների ներկայացման նպատակով,</p> <p>3.5. Պատգամավորական հայտարարությունների և խորհրդարանական լուսմաների գործիքակազմի կիրառում հարթակի քննարկումները հանրայնացնելու նպատակով</p> <p>3.6. Հարթակի անունից միասնական հայտարարությունների տարածում</p>	<p>- Առավել զգայունություն ունեցող խնդիրների շուրջ հայտարարությունները արվում են հարթակի մասնակիցների միջև կոնսենսուսի գալու պարագայում:</p>
<p>4.</p>	<p>Մարզերի հետ հարթակը երկկողմանի կապի ապահովում, այդ թվում</p> <p>4.1. Մարզային թիրախային հանդիպումների կազմակերպում՝ տվյալ բնակավայրի ներկայացուցիչ հանդիսացող պատգամավորների ներգրավմամբ:</p> <p>4.2. ՏԻՄ-երի կին ներկայացուցիչներին հարթակի աշխատանքներին ներգրավում՝ հատկապես ՏԻՄ օրենքներում փոփոխությունների շուրջ քննարկումներին:</p> <p>4.3. ՏԻՄ-երում կանանց դերը բարձրացնելու նպատակով միասնական արշավների մշակում և կազմակերպում</p>	<p>- Նպատակահարմարության դեպքում համատեղել մարզային հանդիպումները ընտրական գործընթացների հետ:</p>
<p>5</p>	<p>Հարթակի անունից միասնական հայտարարությունների տարածում</p>	

6	<p>Կանանց հարցերով խորհրդի հետ համագործակցության կայացում, այդ թվում</p> <p>6.1. Հարթակի քննարկումներին խորհրդի նախագահի կամ այլ անդամների հրավիրում</p> <p>6.2. Խորհրդի հետ համատեղ միջոցառումների կազմակերպում</p>	
7	<p>Հարթակի քննարկումների ներառականության ապահովում՝ շահագրգիռ խմբերի, այդ թվում երիտասարդական խմբերի, ազգային փոքրամասնությունների, ՋԼՄ-ների, մարզային ներկայացուցիչների ներգրավմամբ:</p>	
II. Հարթակի քննարկումների բովանդակության ընդլայնման շուրջ գործողություններ		
8	<p>Հարթակի քննարկումների հիմքում դնել ՀՀ կառավարության կողմից ընդունված Գենդերային քաղաքականության իրականացման 2019-2023 թվականների ռազմավարության գերակայությունները, այդ թվում.</p> <p>8.1. Կանանց առաջխաղացման ազգային մեխանիզմի կատարելագործում, կանանց և տղամարդկանց հավասար մասնակցություն կառավարման ոլորտում և որոշումների ընդունման մակարդակում:</p> <p>8.2. Մոցիալ-տնտեսական ոլորտում գենդերային խտրականության հաղթահարում, կանանց տնտեսական հնարավորությունների ընդլայնում:</p> <p>8.3. Կանանց և տղամարդկանց լիարժեք ու արդյունավետ մասնակցության և հավասար հնարավորությունների ընդլայնում կրթության ու գիտության ոլորտում:</p> <p>8.4. Առողջապահության ոլորտում կանանց և տղամարդկանց հավասար հնարավորությունների ընդլայնում</p> <p>8.5. Գենդերային խտրականության կանխարգելում</p>	<p>-Հարթակի գործունեության հիմքում փոխըմբռնման հուշագրով դրված «Կանանց օրակարգ՝ հանուն զարգացման» փաստաթղթի մոտեցումները համընկնում են Գենդերային ռազմավարության գերակայությունների հետ</p>
9	<p>Համատեղ քննարկում Կանանց հարցերով խորհուրդի հետ՝ օրենքների գենդերային զգայունության ապահովման և վերահսկողության իրականացման համար</p>	

	հստակ համակարգված մեխանիզմների ներդրման շուրջ :	
10	«Կուսակցության մասին» օրենքում փոփոխությունների նախագծում առաջարկությունների ներկայացում	
11	ՏԻՄ-երի մասին օրենքում փոփոխությունների նախագծում առաջարկությունների ներկայացում	
12	«Երևան քաղաքում տեղական ինքնակառավարման մասին» օրենքում փոփոխությունների քննարկում՝ նշանակովի մարմիններում կանանց ներկայացվածությունը ապահովելու և այլ խնդիրների շուրջ	
13	Ընտրական օրենսգրքի փոփոխությունների նախագծում առաջարկությունների ներկայացում՝ զենդերային քվոտայի շրջանակում 40/60 համամասնությունը ապահովելու և այլ խնդիրների շուրջ	
14	Ազգային փոքրամասնությունների կանանց խնդիրների հետ կապված քննարկումների կազմակերպում	
15	Աշխատանքային խմբի ձևավորում Կանանց կարգավիճակի հանձնաժողովի /CSW/ 64-րդ նիստին և Պեկին +25 այլ միջոցառումներին հարթակի ներկայացուցիչների մասնակցությունը ապահովելու և իրազեկման քարոզարշավ կազմակերպելու նպատակով:	
16	<p>Ատելության խոսքի և սեքսիզմի դրսևորումների դեմ հանրային պարսավանքի ինստիտուտի ձևավորում հարթակի մասնակիցների ԱԺ պատգամավորների և ՔՀԿ ներկայացուցիչների միասնական հանրային ակցիաների և արշավների միջոցով, այդ թվում</p> <p>16.1. Պատգամավորների նախաձեռնությամբ «Not in my parliament» մոդելով և հատուկ հեշթեգերով սոցիալական մեդիայի հարթակներում ակցիայի իրականացում՝ սեքսիզմի և ատելության խոսքը խորհրդարանի ամբիոնից բացառելու նպատակով:</p> <p>16.2. Հանրային ակցիաներում երիտասարդների խմբերի ներգրավում, այդ թվում street art-ի</p>	

	<p>ներկայացուցիչներին՝ համապատասխան գրաֆիտիներ անելու նպատակով:</p> <p>16.3. Մշտադիտարկումներ իրականացում պետական այրերի հայտարարություններում ու բանավոր խոսքում սեքիզմի և ատելության խոսքի դրսևորումների վերաբերյալ</p> <p>16.4. Առաջարկությունների ներկայացում ատելության խոսքի և սեքսիզմի դրսևորումների դեմ ուղղված օրենսդրական նախաձեռնությունների վերաբերյալ</p>	
17	<p>Գյուղաբնակ կանանց սոցիալական պաշտպանվածության վերաբերյալ օրենսդրական կարգավորումների առաջարկությունների մշակում, այդ թվում նրանց սոցիալական պաշտպանվածության հետ կապված խնդիրների բացահայտում և գնահատում:</p>	
18	<p>ՀՀ աշխատանքային օրենսգրքի բարելավման ուղղությամբ գործունեության շարունակություն՝ հիմք ընդունելով ՕքսեՋենի կողմից մասնակցային եղանակով մշակված և կառավարությանը ներկայացված կանանց աշխատանքային իրաունքների պաշտպանության ճանապարհային քարտեզը:</p>	
19	<p>Աշխատանքային խմբի ձևավորում ՁԼՄ-ների գենդերային զգայունության ապահովման խնդրի շուրջ, այդ թվում.</p> <p>19.1. ՁԼՄ-ների գենդերային զգայունության շուրջ մեդիա-մոնիթորինգի վերջնական եզրակացությունների և առաջարկների ներկայացում և հանրայնացում,</p> <p>19.2. Միջազգային փորձի ուսումնասիրում և ներկայացում՝ ՁԼՄ-ների գենդերային զգայունությունն ապահովելու հնարավոր մեխանիզմների և օրենսդրական կամ այլ կարգավորումների առումով ,</p> <p>19.3. ՁԼՄ-ների մասին օրենքում հնարավոր փոփոխությունների շուրջ քննարկումների կազմակերպում / անհրաժեշտության դեպքում</p> <p>19.4. ՁԼՄ-ներում գենդերային բռնության, ատելության խոսքի և սեքսիզմի դեմ ինքնակարգավորման մեխանիզմների</p>	

	<p>ստեղծման շուրջ քննարկումների կազմակերպում՝ ՁԼՄ-ների ու օմբուդսմենի ինստիտուտի մասնակցությամբ, այդ թվում նաև կարգավորիչ դեր ունեցող անկախ ինստիտուտի ստեղծման շուրջ</p> <p>19.5. էթիկայի կանոնագիրքի մշակում, որին կմիանան քաղաքական գործիչները, ՁԼՄ-ները և այն կառույցները, որոնք պատասխանատու են մեղիա-կոնտենտի համար, այդ թվում հեռուստաընկերությունների արտադրանքի համար</p> <p>19.6. Լրագրողների էթիկայի կանոններում խտրականության, սեքսիզմի, գենդերային զգայուն բառապաշարի մասին կարգավորիչ դրույթների ավելացում</p> <p>19.7. Լրագրողների համար գենդերային զգայուն բառապաշարի հստակ ձևակերպումներով մշակում՝ սեքսիստական բնույթի արտահայտություններից խուսափելու նպատակով</p>	
20	<p>Առաջարկ ներկայացնել Կանանց հարցերով խորհրդին՝ պետական միջոցներով ֆինանսավորվող միջոցառումներում կամ հանդիպումներում կանանց ներկայացվածությունը հրավիրյալների շրջանակում պարտադիր ապահովելու մասին , այդ թվում</p> <p>20.1. Նախնական մոնիթորինգ իրականացնել այդ ուղղությամբ՝ պետական միջոցառումներում հրավիրյալների, փորձագետների, խոսնակների թվում կանանց մասնակցության ամբողջական պատկերը բացահայտելու նպատակով</p>	
III. Հարթակի մասնակիցների կարողությունների զարգացում		
21	<p>ԱԺ պատգամավորների կարողությունների զարգացում՝ օրինագծերի և էլույթների գենդերային զգայունությունը և համապատասխան փորձագիտական նյութերով ապահովելու նպատակով, այդ թվում</p> <p>21.1. Կին պատգամավորների նախաձեռնությամբ աշխատանքային խմբի («womens shadow cabinet») ձևավորում օրենքների և օրենսդրական</p>	

	<p>նախաձեռնությունների գենդերային զգայունությունն ապահովելու նպատակով՝ տարբեր փորձագետների, այդ թվում՝ ԱԾ իրավական փորձաքննությունների վարչությունից, ներգրավմամբ:</p>	
22	<p>Հարթակի մասնակիցների իրազեկվածության բարձրացում կանանց իրավունքների վերաբերող միջազգային փաստաթղթերի և նրանց շրջանակում պետության կողմից ստանձնած պարտավորությունների վերաբերյալ, այդ թվում .</p> <p>22.1. Իրազեկման քարտզարշավի կազմակերպում՝ պատգամավորների ու հարթակի մեջ մտնող բոլոր մասնակիցների իրազեկվածությունը Պեկին +25 գործընթացների վերաբերյալ բարձրացնելու նպատակով</p> <p>22.2. Պատգամավորների շրջանում Մտամբուլյան կոնվենցիայի վերաբերյալ իրազեկության բարձրացում</p>	<p>-Կանանց նկատմամբ խտրականության բոլոր ձևերի վերացման մասին ՄԱԿ-ի կոնվենցիա (CEDAW), Կայուն զարգացման նպատակներ, 1325 բանաձև, Պեկինի գործողությունների ծրագիր, Եվրոպայի խորհրդի, ԵԱՀԿ փաստաթղթեր և այլն.</p>
23	<p>Գենդերային բյուջետավորման ներդրման ուղղությամբ նախապատրաստական աշխատանքների կազմակերպում, այդ թվում.</p> <p>23.1. Օրենսդրական նախաձեռնությունների տնտեսական և իրավական եզրակացությունից բացի նաև գենդերային ազդեցության վերաբերյալ տվյալների ներկայացման պահանջի ներդրում</p> <p>23.2. Աշխատանքի և սոցիալական հարցերի և Ֆինանսների նախարարության պիլոտային ծրագրում ԱԾ պատգամավորների և մասնագետների մասնակցության ապահովում:</p>	
24	<p>Միջազգային փորձի ուսումնասիրություն և միջազգային այցելությունների կազմակերպում՝ խորհրդարանի աշխատանքում գենդերային զգայուն մոտեցումների ներդրման շուրջ փորձի փոխանակման նպատակով</p>	